



Broj: 01-299/23
Vareš, 30.11. 2023. godine

Na osnovu člana 13. Zakona o principima lokalne samouprave u Federaciji Bosni i Hercegovini („Sl. novine FBiH“ broj 49/06 i 51/09) i člana 22. Statuta Općine Vareš – Prečišćeni tekst, broj:01-162/12 od 11.09.2012. godine, Općinsko vijeće Vareš na 30. sjednici održanoj dana 30.11. 2023. godine **d o n o s i**

O D L U K U

o usvajanju Plana kapitalnih investicija Općine Vareš 2024.-2027. godine

Član 1.

Usvaja se Plan kapitalnih investicija Općine Vareš 2024.-2027. (u daljem tekstu: PKI) koji čini sastavni dio ove Odluke

Član 2.

Za provođenje ove Odluke zadužuje se Općinski načelnik i nadležne službe.

Član 3.

Ova Odluka stupa na snagu osmog dana od dana objavljivanja na oglasnoj tabli Općine Vareš.

PREDSJEDAVAJUĆA
Općinskog vijeća Vareš
Brkić Mahira

Odluka objavljena na oglasnoj tabli Općine Vareš dana 01.12. 2023. godine

OPĆINSKI NAČELNIK

Zdravko Marošević

O b r a z l o Ź e n j e

1. Pravni osnov

Pravni osnov za donošenje ove Odluke je Zakon o budžetima u Federaciji Bosne i Hercegovine („Službene novine FBiH“, broj 102/13, 9/14, 13/14, 8/15, 91/15, 102/15, 104/16, 5/18,11/19 i 99/19). Ovim zakonom uređuje se planiranje, izrada, donošenje i izvršavanje budžeta Federacije Bosne i Hercegovine, budžeta kantona, gradova i općina (u daljem tekstu: budžet) i finansijskih planova vanbudžetskih fondova, budžetska načela, zaduživanje, garancije i upravljanje dugom, program javnih investicija, pravila fiskalne odgovornosti, računovodstvo, izvještavanje, nadzor i revizija budžeta i drugih budžetskih korisnika i član 2. Zakona o razvojnom planiranju u Federaciji BiH (Sl. novine FBiH, broj:31/17)

2. Razlozi za donošenje

Cilj je da PKI omogući bolju usklađenost između godišnjeg budžeta i plana sredstava za kapitalne projekte, njihovu evaluaciju i transparentno određivanje prioriteta.

Plan kapitalnih investicija se temelji na slijedećim principima:

- Četverogodišnji program (I+III);
- Usvojen od strane Općinskog vijeća
- Plan je progresivnog karaktera, i nakon realizacije, kontinuirano se ažurira, obnavlja i dopunjava projektima za naredne četiri godine;
- Plan obuhvata investicije na području općine koje se odnose na organiziranu infrastrukturnu izgradnju, odnosno poboljšanje tehničke, komunalne i društvene infrastrukture općine i koje nemaju komercijalni karakter;
- Planiranje namjenskih sredstava viših nivoa vrši se na osnovu dosadašnjih trendova, prema važećim propisima i odlukama za utrošak istih.

Plan kapitalnih investicija takođe predstavlja:

- Osnovu za koordinirane i planirane investicijske aktivnosti, kao i garancija osiguranja odgovarajućih sredstava. Dobar način komunikacije sa stanovništvom, privatnim poduzetnicima, nevladinim organizacijama i ukupnim regionalnim i lokalnim okruženjem, odnosno sa svim akterima lokalnog razvoja. Osnov za uspješno kandidiranje prema eksternim sredstvima i grantovima. Osnovu za pristup sredstvima međunarodnih donatora, čiji je uslov postojanje PKI, Sveukupan integrirani i održivi razvoj općine Vareš.

3. Finansijska sredstva

Za donošenje i provođenje ove Odluke potrebno je detaljno planirati finansijska sredstva u budžetu Općine Vareš za svaku budžetsku godinu.

Predlažem da Općinsko vijeće Vareš usvoji ovu Odluku u navedenom tekstu.

PREDLAGAČ

OPĆINSKI NAČELNIK

Zdravko Marošević